



CUMÜN DA SENT



Il mas-chalch da Sent

Publicaziuns officialas. Cumpara seguond bsögn.

2012-2014

no. 37

7554 Sent, november 2014

Promoziun dal sport d'inviern



Eir quist on ha il cussagl cumünal decis da far part a la sporta cumünaiyla dals cumüns e da las Pendericulas Motta Naluns, chi pussibiltesch'a scolars e scolaras da retrar cartas pella stagiun d'inviern 2014/2015 per ün predsch fich favuraivel. Ils cumüns chi fan part a quell'acziun surpiglian, insembel cullas Pendericulas Motta Naluns, üna gronda part dals cuosts da las cartas da stagiun. Las seguaintas annadas pon retrar la carta pels seguaints predschs:

Solaras e scolars da las annadas 1999 – 2008 frs. 55.-

Solaras e scolars da las annadas 1998 e plü vegls (be obligatorium da scoula) frs. 175.-

Pels uffants da l'annada 2009 e plü guivens es l'adöver dals indrizs gratuit!

Ils frs. 5.- per las KeyCards nu sun cumprais in quists predschs. Las Keycards da l'on passà pon però gnir rechargeadas per quist on.

Atenziun! Ils predschs comunicats survart valan be per cartas da stagiun chi vegnan retrattas fin il plü tard als **30 november 2014**.

Las datas da la prevendita vegnan dattas cuntschaintas da las Pendericulas Motta Naluns.

Cussagl cumünal

Avis: Rumir naiv da/per privats



Il cussagl cumünal ha chattà la seguainta soluziun pel möd da rumir la naiv per privats:

1. Id es admiss da rumir plazzas privatas sün vias cumünalas, scha la naiv vain palada sün via avant, al mumaint, cha quella vain rumida dal cumün;
2. Sch'inchün giavüscha ch'ün toc terrain privat gn'ia rumi, es quai fatschenda da tal d'incumbenar sün basa privata ad ün'interpraisa per quella lavur.
3. I nun es admiss, davo cha'l cumün ha rumi las vias, da rumir naiv da terrain privat sün vias cumünalas. A quels chi surpassan quista decisiun dal Cussagl cumünal vaina miss in quint la lavur per rumir la via cumünala da nouv.

Tuot ils ogets (vaschs, chaistas da fluors, bancs e.o.p.) chi sun miss davant las chasas ston gnir allontanats sur inviern quai per evitar dons in connex culla rumida da naiv.

Cussagl cumünal

Avis a reg. allontanar saivs electricas



Tenor art. 32 da l'uorden champester ston tuottas saivs electricas, chi sun gnüdas fattas sün terrain privat e cumünal, gnir allontanadas d'ürant il temp d'inviern. Our da quel motiv ston quellas gnir tuttast davent subit.

Sch'inchün nu vess d'observar quist appel, vegnan las saivs allontanadas davart dal cumün a cuosts da quel chi ha interlaschà da tillas allontanar. **Atenziun:** ☹ Quist avis val'eir per alps e pas-chs! Eventuals dons chi subaintran van a charg da quel chi nun ha levà la saiv! Fich privlus sun pels skiunzs e pella sulvaschina filfiers chi vegnan be miss giò per terra. Per plaschair allontanar eir quels.

Cussagl cumünal

Transit d'inviern in Val Sinestra ✓

A regard il transit d'inviern in Val Sinestra vain praticità sco d'ürant ils ons passats, in rendond attent sül scumond da transit dals 27 december 1978 dal cussagl cumünal e sül decret dal departamaint da güstizia e pulizia chantunal dals 1. favrer 1979.

Scumond

Dals 1. november fin als 30 avrigl esa scumandà da transir cun veiculs a motor sülla via Sent – Sinestra. Il scumond vala davent da l'ur dal god Vaschnuogls/Vita-Parcours fin pro'l Kurhaus Val Sinestra. Surpassamaints da quist scumond vegnan chastiat in basa dals artichels 20 e 30 da la ledscha stradala. Quist scumond es gnü publichà i'l Fögl uffizial dal chantun Grischun dals 16 favrer 1979.

- Il segnal no. 2.01 "Scumond general per trafic cun veiculs a motor" es piazzà a l'ur dal god.
- Avant la Val Vallatscha es impü montada üna barriera.
- Üna barriera es a l'ur dal god.
- In cas da privel da lavinas sun da resguardar las directivas e masüras dal servezzan da lavinas dal cumün da Sent.

Per trafichar faja dabsögn d'ün permiss special dal cumün. **(La vignetta da vias champestras dal cumün da Sent nu vala per transir in Val Sinestra)**. I vain montada suot il scumond general üna tabla "exclus cun permiss special dal cumün". Permiss specials survegnan be personas chi han ün'incumbenza i'l hotel Val Sinestra. Tuot ils transports dals giasts davent da Sent ston gnir surtuts da l'hotel. Surpassamaints dal **scumond general** vegnan chastiat.

Cussagl cumünal

Fittanza da la parcella cumünala a Tuffaloras

Il cumün da Sent dà a fit sia parcella agricula a Tuffaloras e quai a partir dals 1. da schner 2015 . Annunzchas pigli'incunter il cussagl cumünal. Per ev. dumondas ed infuormaziuns sta a disposiziun il cusglier dal dicasteri, Men Caviezel.

Cussagl cumünal

Exposiziun da Nadal / Festa 20 ons ❄️ ★ ★

Dumengia, als 23 november 2013 da las 10.00h – 18.00h.

Regals da tuot gener per: Nadal – anniversari – nozzas o simplamaing per far ün plaschair. Nus ans allegrain da Vossa visita cun vin chod e pastinas da Nadal.

Butia la Funtana





Il cussagl da vaschins transitori dal nouv cumün da vaschins da Scuol

INVIDA

AD ÜNA

RADUNANZA DAL CUMÜN DA VASCHINS

Data mardi als 25 november 2014

Urari a las 20:00

Lö Ardez, chasa da scoula

TRACTANDAS:

1. Bivgnaint
2. Orientaziun a regard la fusiun dals cumüns da vaschins
3. Nominaziun da duos scrutinadurs
4. Approvaziun dals statüts nouvs dal cumün da vaschins da Scuol
5. Tschernas:
 - a. dal capo da vaschins
 - b. dals commembers dal cussagl da vaschins
 - c. dals revisuors da quint dal cumün da vaschins
6. Varia

Il sböz dals statüts dal cumün da vaschins da Scuol sta a disposiziun a partir da subit süllas paginas d'internet e pro las cancellarias dals singuls cumüns.

[http://www.scuol.net->Autoritats->Cumischiuns->Cumischiuns cumünalas stablas->Statüts \(sböz\)](http://www.scuol.net->Autoritats->Cumischiuns->Cumischiuns cumünalas stablas->Statüts (sböz))

PEL NOUV CUMÜN DA VASCHINS DA SCUOL:

Il cussagl transitori:

Il president:

Mathias Federspiel

L'actuar:

Mario Rauch